

Umanyano! Basebenzi Abantsundu!!

Yimbongikazi Nontsizi Mgqwetto.

Amanzi e Africa makahlokome
Ilizwi le Sizwe lizwi lika Tixo
Indlela mazibhwayele umanyano
Olusuka apa lume ngo Tukela.

Umanyano! Basebenzi Abantsundu
Ndingatyelwe ngamafuta nemb'ola
Masenze mafupi ukuze sivane
Sixoze indima eyakususana.

Inkundla zamatyala ziwuchitile
Umvale webala kubasebenzi
Livumba ke elo libinze ngomkonto
Lizwe ezintu zintu mazidibane.

Ziyazingela zona i Palamente
Izakusicinezela imiteto
Lumkani ke kuyiwa ezibukweni
Na ningenayo nje nentsimbi yomqala.

Izizwe Ezantsundu mazidibane
Livakale ilizwi labasebenzi,
Lenze nomngqungqo Esangweni e Ziyon
Kuba asitakati asina kutsha.

Livakale ilizwi labasebenzi
Bawafumane amalungelo abo
Qhubani impucuko nzalo ka Palo
Bantwana botutu lwakude e Afrika.

I Palamentete zona ziyazingela
Zipina lukokeli zomzi ontsundu
Igxalaba elitwele izigxeko
Ukuze tina siwale isitsaba.

Umanyano nje lwenene lungamandla
Mz: wamanene ondlwe ngamanene
Obawo bafungwa nango sebeleni
Taru basebenzi bendonga ze Afrika

Tyap'ubeko Professor D. D. Jabavu
B.A. enobugqi benyamakazi
Ufakwe upau usisinyaniso
Utete e Monti watsho wandosela.

Up'ale usop'a usenz' iziqonga
Zobum' esikubo tina ma Afrika
Wawela kakade ilwandle nge lwandle
Ntloyiya onendlu wase majonjweni.

Siyacinezelwa! Siyapambili! Taru
Nengqondo ngokunjalo iyapambili
Utsho u Professor D. D. Jabavu
Ozingela nabayame ngentaba

Zulu, Mxosa, Msutu, Swazi nawe Bala
Nonke niyamenywa akuko salelo
Sizwe sini sona esi silubisi
Lungasafikiyo nasezimvabeni.

Umanyano! Basebenzi Abantsundu
Niwafumane amalungelo enu
Ke nigqibe amabhongo entliziyo
Ninge ningabelungu kanti yingqondo,
Yayingemnyama kade ingqondo yenu
Nayiposa indlela ngokuvalelwa
Huku! Ke namhla nje akomo zika Palo.
Niwabandeze amanxiwa ka Tshiwo.

Iggira lendlela Dr. Rubusana
Into elila ekumbini lentaba
Uti impumefelo ye Sizwe mayakelwe
Pezu-kwezona nkokeli ezizizo;

Litsho? Iggira into ka Rubusana
Evungamo kwamangala nenkau
Kuq'ubeni ukuteta khambe
Awu! Ndakhubeka ndibeka emlungwini.

Umanyano! Basebenzi Abantsundu
Inkokeli mazambat' izidabane
Zingahlazeki xa zifun' ukutoba
Awu; Imali yam nditytse tshonite.

Umanyano! Basebenzi Abantsundu
Nike nakubona ukucitakala
Ngoku omke namanzi angalilelwa
Nezinto ziyadamba zike zanzima.

Umanyano! Umanyano! Basebenzi
Lontombi yala abantu imbi nayo
Ayide ivume ukuza emzini
Ikangele ukoselwa iziselwa.

Umanyano nje lwenene lungamandla
Ngumzi osetunzini pantsi kwelanga
Lunyangeni nilubhule ngemiti
Andaliwa soka ndaliwa ngunina.

Camagu! Awu